

Horologium Spirituale Scholasticorum Societatis Jesu

Dirckinck, Johann

[Osnabrug, 1696]

Precum jaculatoriarum.

Nutzungsbedingungen

[urn:nbn:de:hbz:466:1-55025](#)

Praxis III. Precum jaculatoriarum. 199

VAlde excelluit in hac arte S. Ignatius, teste Ribad. in vita L. 5. c. 1. eamque nostris optabat esse familiarissimam ; ut scilicet è singulis rebus, Conditoris potentiam, sapientiam & bonitatem agnoscerent. Mafæus L. 3. c. 1. *Tota mundi moles quasi liber est literis exaratus, deprecans gloriam Dei,* ait S. Basilius. *Et ipsæ species Creaturarum voces sunt quædam Creatorem laudantium,* inquit S. Augustinus in psal. 26.

Praxis I. hujus ascensionis est S. Chrysostomi Ep. 5. ad Theod. *Ut ab experientia rerum tenuium accipiamus de magnis aliquid conjecturæ.* Si quando in baino fueris nimis effervescente, tum gehenna recordaberis. Si quando febre acriore conflagraveris; ad flamمام quæ illic est, progredere.

Praxis II. est S. Basilii dicentis : *Panem esitans Largitori gratias rependito, vinum bibens memento Largitoris, qui ad cordis latitiam & infirmorum solamen hoc impertivit.* Tunicam indueris; gratias age benigno Authori. Dies abiit; gratias age illi, qui solem non merentibus indulxit.

Pra-

200 *Praxis III. precum jaculatoriarum.*

Praxis III. S. Ignatii Fundatoris nostri,
qui è plantulæ, frondis, floris, fructus aut
vermiculi aspectu super cœlos mox se at-
tollebat, atq; in minimis Deum maximum
agnoscet. Simili ratione S. Franciscus
Seraphicus ex omnibus creatis ascende-
bat ad diligendum Deum, exultabat in
cunctis operibus manuum ejus, contem-
plabatur in pulchris pulcherrimum, in
omnibus sibi scalam faciens ad apprehen-
dendum Deum, qui est desiderabilis ta-
tus.

Praxis IV. R.P. Petri Fabri. *Si in iti-
nere transeas, urbem, pagum, arcem nobilem.*
1. Roga Deum per merita eorum qui ibi-
dem ei placent, ut misereatur tui. **2.** Gra-
tias age pro beneficiis quæ Deus omnibus ibi-
dem habitantibus præstít. **3.** Commenda
eorum necessitates Deo. **4.** Peccata illorum
detestare, & veniam pete. **5.** Si ibidem sint
hæretici, hæresin detestare, conversionem
pete. **6.** Anima: illic defunctorum Deo com-
menda.

Praxis V. R.P. Nicolai Lancicij. *Vides*
*aliquos colloquentes, propone servare silen-
tium. Audis strepitum ventorum sœvien-
tium,*

Instructio de visitat. venerab. Sacram. 201
tium, ora pro Navigantibus. Audis in ta-
berna bibentes, saltantes: Dole ob peccata
eorum, pete à Deo ne inebrientur, & si fue-
rint inebriati, ut citò confiteantur. Audis
strepitum & negotiationes sacerdotalium gra-
tias age Deo, quod te à vita sacerdotali liberâ-
rit. Audis pluvia & strepitum, si est utilis eo
tempore, gratias Deo age. Opta tot elicere
actus fidei, spei, charitatis, quot gutta deci-
idunt: simulq; gratia divina influxum po-
stula.

* * * * *

HORA V.

Instructio de visitatione

Venerabilis Sacramenti.

I. **L**AUDABILIS consuetudo visitandi Chri-
stum Dominum, præclarum inter
alia medium est varia dona cœlestia & fa-
miliaritatem cum Deo obtainendi: ut ex-
perti sunt S. Thomas, S. Xaverius, S. Bor-
gias, B. Aloysius, P. Alvarez, P. de Ponte,
aliique innumeri, hinc suère tam assidui in
ea. Sunt enim contestationes honoris & ob-
sequii Regi supremo debiti. Sunt officiosæ
salutationes, quibus amorem nostrum er-